


Pronto lo firma MOU:

Ex-edificio di DOW lo bira un luhoso sede pa APA y di e Centro di Informacion pa bishitante



ORANJESTAD (AAN) – Minister di Salud y Turismo, Dangui Oduber, diahuebs mainta a duna informacion tocante otro proyecto cu gobierno ta bay desaroya. Den e caso aki ta trata di antes edificio di DOW, na Paardenbaaistraat.

E mandatario a referi na e edificio aki como un cu tin mas di 15 aña abandona, y e bista cu turistanan ta haya ora nan yega cu barconan crusero, y no ta e impresion cu Aruba kier duna cu tin un edificio abandona, ya caba pa 15 aña.

Minister Oduber a bisa cu pa algun tempo caba, gobierno a cuminsa haci nan diligencianan pa explora e posibilidad pa Aruba Ports Authority (APA) tumar over e edificio aki, teniendo cuenta cu nan ta bezig pa cuminsa cu e destaho publico di Port City. Y caminda unda APA ta situa actualmente, e tereno cu ta parti di Port City, consecuentemente ta haci cu APA mester muda y busca un edificio nobo. Den combersacionnan entre Ministerio di Turismo y Aruba Port Authority ta


tumando lugar, pa cuminsa sondea otro ubicacion y nan a pensa riba e ex-edificio di DOW.

“Y despues di esaki nos a sigui e combersacionnan pasobra nos a pensa, teniendo cuenta cu APA no tin hopi trahador, cu por haci uso di henter e espacio di e prome y di dos piso. Nos a bin na e idea di laga Aruba Port Authority haci uso di e di dos piso, y e prome piso laga Aruba Tourism Authority huur esaki for di APA, y convirti’e den un centro di informacion pa bishitante, cu lo bira uno

hopi moderno y luhoso, unda tur turista crusero cu yega Aruba, por haya tur informacion tocante kico tin pa haci na Aruba, kico ta e actividadnan turistico, unda tin bon restaurantnan, cual ta e miho beachnan, haya un guia di biaha, ora nan baha for di e barco crusero”, e dignatario a comenta. El a agrega cu ya caba a presenta e plan aki na Consejo di Minister y a haya su aprobacion. Lo bay publica na Lands Courant tambe, pakico gobierno a scoge APA pa desaroya e proyecto di

ex-DOW; y dentro di poco despues cu e informacion aki wordo publica den Lands Courant, lo bay over pa tene un ceremonia pa firma e MOU entre Ministerio di Turismo, Gobierno di Aruba, Aruba Port Authority, Aruba Tourism Authority y tambe Monumenten Bureau, pa asina bay sondea y explora e posibilidad e aña aki ainda realiza un groundbreaking, pa asina renova henter e edificio den uno hopi moderno y luhoso, cu henter pueblo por ta orguyoso di dje.

Minister Glenbert Croes a reuni cu e grupo di Fondo di Pensioen pa e Sector Turistico



ORANJESTAD (AAN): Minister di Labor Glenbert Croes, a reuni diahuebs ultimo cu e grupo di fondo di pensioen pa e sector turistico pa brinda nan e oportunidad di amplia e posibilidadnan di haya mas cliente.

“Mi kier a duna com-

pliment na e fondo di pensioen di sector turistico, cu a crea un bon nomber door di e maneho responsabel cu nan a hiba pa loke ta e contribucion di nan participantenan cu nan fondo di pensioen”, e mandatario a expresa.

Minister Croes a

splica cu e fondo di pensioen aki ta uno di bon renombre cu lo por ta mas activo. A reuni cu e representantenan, como gobierno, pa brinda nan e oportunidad pa nan por amplia nan posibilidadnan di por haya mas cliente. Si amplia nan alcance, di e for-

ma ey nan lo por brinda e trahadornan cu ta miembro di e fondo aki, mihor perspectiva pa cu acumulacion di pensioen, plannan di spaar etc. Manera nan ta bisa, yuda e empleado ‘traha dam warda awa’. Esaki lo yuda esnan na momento cu toca nan pa haya

nan pensioen, cu nan lo hay’e den bon forma. Proximamente Minister Croes lo ta presentando e plan cu el a ricibi durante e reunion, na Consejo di Minister pa hunto yega na e opcion cu na final ta na beneficio di e trahado miembro di e fondo di pensioen.